



110

27316

(2)

[La Tresse (France)] ?































108. de Par  
25 B R I E F D I S C O V R S ,

S V R L A V I E E T  
T R E S P A S , D E F E V  
M E S S I R E F R A N Ç O I S  
Duc de Montmorency , Pair , &  
Mareschal de France : & Gouver-  
neur de l'Isle de France. 10

P. I. D. L. G.

A P A R I S ,

Par Pierre Cheuillot Imprimeur de-  
meurant deuant le petit Na-  
uarre, à l'Image S. Iean  
l'Euangeliste.

M. D. L X X I X .

A V E C P R I V I L E G E .

(2) 1895-2500

THE UNIVERSITY OF

OF CALIFORNIA

LIBRARY

PHILADELPHIA

PA. 1917

1000

1000

1000

1000

1000

1000

1000

1000

1000



B R I E F D I S C O V R S  
S V R L A V I E, E T T R E S -  
*pas, de feu Messire Francois Duc  
de Montmorency, Pair, & Ma-  
reschal de France : & Gouverneur  
de l'Isle d'icelle.*

**E**veux discourir succincte-  
ment sur la vie, & trespas de  
feu Messire François De  
Montmorency : iacoit que la plus  
part d'entre nous soit deuëment  
informée de l'ancienneté, & gran-  
deur de sa maison, & de sa race. Son  
Pere fust Messire Anne de Mont-  
morency , premierement Grand  
Maistre, & Mareschal de France, &  
puis Connestable. Sa merueilleuse

experience aux affaires, avec la sagesse, & longue continuité des ser-  
 uices qu'il a faits à ceste Couronne,  
 ne scauroient auoir eu vn plus insi-  
 gne tesmoignage de sa preud'ho-  
 mie, que ceste playe (trop plus ho-  
 norable, que mortelle) qu'il receut  
 aagé de quatre vingts ans, à la ba-  
 taille de sainct Denys, estant Chef,  
 & Lieutenant general de l'armée  
 du Roy : & mourât tost aprez, non  
 sans dementir par vne fin si heu-  
 reuse la sinistre opinion de ses en-  
 uieux, & calomniateurs. Sous le re-  
 gne de François premier du nom il  
 espousa Madame Magdaleine de  
 Sauoye, encore viuante. D'icelle  
 il eut plusieurs fils & filles: desquels  
 François de Montmorency estoit  
 l'aîné, & nasquit à Paris. l'an mil  
 cinq cens trente & vn, ayant pour  
 ses Parrains le grand Roy François,



& François de Bourbon Comte de  
sainct Paul . Cependant son Pere  
estant orés auancé, ores assailly de  
Fortune, il acreust en age, & di-  
gnité: mesmemēt alors que le Roy  
Henry venāt à succeder au Royau-  
me, il n'oublia point les bons de-  
voirs, & traualx, qu'auoit suppor-  
té Monsieur le Cōestable: lequel  
il honoroit du commun nom de  
Compere, ayant tenu sur les fonts  
vn sien autre fils. Cependant il fait  
exercer l'aisné aux affaires, & le des-  
diant au seruice de son Prince, fist  
tant qu'il pratiqua aisément le ma-  
riage d'entre Madame Diane L.  
de France, & ce sien premier fils:  
nonobstant les difficultez, & pre-  
tentes d'vn autre party beaucoup  
moindre. Ce qui aduint l'an mil  
cinq cens cinquante deux. Alors il  
fust fait Gouverneur de la ville de

Paris, & Isle de France. Depuis nos guerres ciuiles prenant origine & accroissement avec le temps, il ne s'est iamais monsté autre que vray subiet, & seruiteur de nos Roys: ayant eu fust en paix, fust en guerre, beaucoup de belles charges, & commissions, tant dedans que dehors ce Royaume.

IL s'est trouué en personne aux batailles, & rencontres plus signalées, pendât nōz malheureux troubles, & dissentions intestines: mesmes quand la ville de Blois fust reprise par les Catholiques, & la Cour s'y trouuāt tost apres, le Roy Charles neufiesme le crea Marechal de France, l'an mil cinq cens soixante & deux. Le soing, & la preuoyance, dont il vſa depuis estant employé aux guerres, à tousiours confirmé la bonne intention, & fidelité de luy,

& des siens. Car à la premiere bataille qui fust donnée à Dreux en l'année dessus, non seulement Monsieur le Conestable s'y trouua, y estant arresté prisonnier de ceux du party contraire : mais y auoit aussi amené quatre de ses fils, reſmoins Gabriel de Mont-morancy, sieur de Mombron, qui estoit le quatriesme, & y fust tué parmy la meslée.

Quand les seconds troubles se rallumerent en France, Monsieur le Conestable nō moins chargé d'honneurs, que d'années, se presenta hardiment à la teste des ennemis, & fust blessé à mort, ainsi que nous auons de-ja mis en auant, l'an mil cinq cēs soixante-sept.

Et aussi sçauons-nous tresbien en quel deuoir se mist Monsieur de Mont-morency, son fils, sans la cō-

duitte, & sagesse duquel, il est cer-  
 tain que l'artillerie, & les Suyffes du  
 Roy, estoient tres-mal gardez. Tou-  
 tesfois la calomnie qui aboye vo-  
 lontiers la vertu, n'a cessé de liurer  
 tousiours quelques traueses à ce  
 bon Seigneur: lequel nonobstant  
 la deuotion, & affectueuse volon-  
 té, qu'il a eu au bien de la France, &  
 de noz Roys, ainsi qu'il l'a fait pa-  
 roistre où les occasions se sont of-  
 fertes: ne s'est peu garantir des alga-  
 rades, & perils, qui suyuent com-  
 munément ceux qui sont erigez en  
 quelque-eminente dignité. Mais  
 pource que nous auons veu à noz  
 portes ce qui en est aduenü, & qu'il  
 n'est ia besoin de rafraichir la me-  
 moire de ces playes, ie me contan-  
 teray de prier ceux qui ont aymé le  
 nom, & de connoistre de feu Mon-  
 sieur le Marechal, de se représenter  
 la



la constante patience, ou patiente  
constance, dont il s'est preualu en  
ses dernières aduersitez: iusques à  
surmonter par ses modestes com-  
portemēs l'audace, & inimitié mes-  
mes de ceux qui sembloient estre  
peu affectez au bien de sa maison.  
Ce que ie luy attribueray à tref-  
grande louange, & ne veux obmet-  
tre d'inferer icy quelques vers d'un  
Poëte de ce temps, qui daigna bien  
vn iour recommander ses vertus en  
ceste façon.

*Ce Duc Atheniẽ, Chef de sa Republique  
Ce braue Alcibiade, vn des foudres de  
Mars,*

*Qui guerroya pour elle en mille & mille  
pars :*

*Vid frauder laschement sa valeur He-  
roïque.*

Le Perse auoit receu ce Capitaine A-  
 tique,  
 Quand banny de sa terre il guida ses son-  
 dars  
 Contre ses fiers hayneurs : qui par la fui-  
 te espars  
 Acreurent (luy remis) son heur, & gloire  
 antique.  
 Ore pourtant, Seigneur, que l'on te  
 tend le bras,  
 Tu plais au lieu de nuire : & si retourne-  
 ras  
 Non cōme Alcibiade, en exil volōtaire,  
 Oū traistrement il fust assassiné des  
 siens :  
 Mais en tes dignitez, pour suruiure au  
 contraire  
 Plus craint des Ennemis, & moins hay  
 des tiens.

Après que Dieu permit que le Roy fust retourné de Poloigne, & qu'on eust meurement examiné le fait de Messieurs les Marefchaulx de Montmorency, & de Cossé: chacun de nous peust facilement cognoistre en quelle recommandation ils estoient à sa Maiesté, puis qu'ils furent si heureusement eslargis à leur aduantage, & contantement.

Et de fait on a veu depuis combien grande a esté la douceur, & prudence dudit sieur de Montmorency: du cōseil, & sagesse duquel on s'est soigneusement seruy, quand l'vrgence des affaires le requeroit. Aussi estoit-ce vn personnage de merite, de valeur, & de lettres: & digne des estats qu'il honoroit pl<sup>9</sup> tost, qu'il fust honoré par eux.

Or d'autant que ce monde est v-

ne estrange Chimère, ou pour mieux dire vn gouffre de miseres, & calamitez, qui n'espargnent nō plus les nobles, que les artisans, & les riches, que les patures : il ne faut s'estonner si les Princes, & Seigneurs, encourent maints defastres, & inconueniens. Et pour ne tirer en longueur ce petit discours, ie diray en passant que Dieu a visité non seulement de ces verges icy feu Monsieur le Marechal, mais encore de certaines maladies que luy ont engendré les peines, & facheries qu'il a autresfois endure. Je tairay le mal des goultes, auquel il estoit ordinairement subiet : & m'arresteray sur ce qui auoit plus altéré sa santé depuis quelques iours. Car estant naguieres logé au Louure, il sentit inopinément les atteintes comme d'une soudai-




ne apoplexie, & esuanouissement  
tresdangereux. Au moyen dequoy  
on estimoit qu'il fust desia mort,  
& n'eust esté le prompt secours dõt  
il fust assisté, & les remedes plus cõ-  
uenables desquels on se peust ad-  
uifer, il n'y auoit pas grand' appa-  
rence de sa guerison: qui a esté auf-  
sitelle quelle pour vn peu de tẽps.  
Et de fait à peine s'estoit-il retiré  
dans sa maison d'Escoan, que la  
nouuelle fust qu'il estoit rencheut  
en vne semblable, ou pire mala-  
die.

De maniere que luy descendant  
du cerueau, & venant à rengreger  
de iour à autre, elle luy causa vne  
apostume aux poulmons, iusques  
à luy offencer le cœur peu à peu: &  
finalement le contraignit aller de  
vie à trespas, le sixiesme iour du  
mois de May l'an de grace mil cinq

cens septante & neuf, enuiron les sept heures du matin.

Voyla en somme comment ce debonnaire Seigneut a vescu, & quel a esté l'accident de sa mort: estant decedé sur la quarante & neufiesme année de son aage, au tres-grand regret de ses parents, & amys. Entre lesquels i'oseray bien mettre la meilleure partie de la Court, & les plus grands Seigneurs de ce Royaume. Mais à fin que ie soy des premiers qui aguillonne les bons esprits à n'oublier la memoire de celuy qui durant sa vie s'est fait aymer de ses ennemys mesmes, & qui a beaucoup merité de la Chose publique: i'ay brusquement esbouché cest Epitaphe, suyuant le peu de loisir que les Imprimeurs m'en ont donné.



EPITAPHE DE FEV  
MESSIRE FRANÇOIS  
de Montmorancy.

**N**Y l'apast, ny le fiel, de l'execra-  
ble vice,  
Nil'orgueil, nil'heur, d'une  
infame traison,

Nil' dueil, ny les pleurs, de ta propre  
maison,

Nil'soing, nil'ennuy, du publique ser-  
vice.

Nil'apeur, nil'assaut, de la forte in-  
iustice,

Nil'fleur, nil'effroy, de la simple rai-  
son,

Nil'estat, nil'eschec, de si dure saison,

Nil'art, nil'fierté, du libre malefice.

Ni l'affront, nil'abboy, du Vulgai-  
re odieux,

Nil ire, nil cours, de Mars iniurieux,  
 Ni l'effort, ni l'esmoï, de la superbe En-  
 vie:

Ne peuvent tant iadis, que malgré  
 leurs suppos,

(O grand Montmorancy) tes valeurs

Et ton los,

Ne rendent à ta mort une immortelle

vie.

Fin du Discours































